



Nuuk 17. oktober 2018

UKA2018/173

Jens Napãtôk, Partii Naleraq

**Misiliilluni aningaasaliineq nunaqarfinni qerititsivinnik sanaartornissamik annertusaanissamullu tapiisarnerni periutsit pissutsillu pitsaanerpaat anguniarlugit qanoq aaqqiivigineqarsinnaanera pillugit Naalakkersuisut nassuiaasioqqullugit peqquneqarnissaanik Inatsisartut inatsisissaattut siunnersuut. Nassuiaasiornermi isumalluutit suliffissaqartitsinerit kiisalu aningaasaqarnermut tunngasut kommunit, inuussutissarsiornermik ingerlatsisut aammalu KA NUNUPE-p misilittagaat ilaatigut ilanngunneqassapput. Nassuiaat Inatsisartunut agguanneqassaaq, tamatumani nassuiaatip inerniliineri AIS20-imut ilanngullugit suliarineqarsinnaalerlugit.**

(Inatsisartunut ilaasortaq Peter Olsen, Inuit Ataqatigiit)

### **Siullermeerneqarera**

Inatsisartut Suleriaasianni § 33 naapertorlugu Peter Olsen, Inuit Ataqatigiit aalajangiiffigisassaat-tut siunnersuutaanut Partii Naleqqamiit siunnersuuteqartoq qujaffigerusupparput.

Siunnersuummut tunngavilersuutit aallartinnerani siunnersuuteqartup oqaatigaa qinersiviup siuliani 2017-imi ukiakkut ataatsimmiinermi immikkoortoq 40-mi siunnersuummik Inatsisartunut siunnersuuteqarsimalluni, kingornalu suliaq pillugu § 37 naapertorlugu suliamut tunngasumik apeqquteqarnermi Naalakkersuisut nalunaarusiornissaq sulissutiginiarnagu akissuteqarsimasut, tamannalu tunngavigalugu aalajangiiffigisassatut siunnersuut aammaarlugu maanna siunnersuutigeqqillugu.

Nunaqarfinni qerititsivinnik sanaartornissamik annertusaanissamullu tapiisarnermi periutsit pissutsillu pitsaanerpaat anguniarlugit qanoq aaqqiivigineqarsinnaanerat pillugit Inatsisartut Naalakkersuisut nassuiaasioqqullugit peqquneqarnissaanik aalajangiiffigisassatut siunnersuummut imatut Partii Naleqqamiit oqaaseqaateqassaagut.

Siunnersuuteqartoq isumaqatigaarput Nunatsinni sumi tamani, aalisarnej ingerlallualeraluttuinnartutut sulilu inerikkiartuaartutut oqaatigimmagu.

Taamatullu oqareerluta aamma oqaatigissavarput sineriassuatsinni isorartuqisumi suli nunaqarfiit 59-it akornanni periarfissarpasuit qulaajarneqarluutillu ineriartorteqqinnissai pingaaruteqarluinnarmata. Ukiuni amerlavallaani sumiginnarneqarsimasunik politikkikkut inerisaanikkullu.

Tunitsiveqarnikkut sumiginnagaasimanermik assersuusiussagutta isumaqarnarpoq aningaasaq kisimi amerlasuutigut qitiutinneqarpallaartoq, tassalu nunaqarfippassuarni pitsanngorsaasoqarsinnaasoqaraluartoq amerlasuutigut soorlulusooq qinnequsaarutaannaallutik ukiorpassuarni inerisaaneq nunaqarfinni amerlasuuni periarfissarsiorneqarnerat killeqartarsimasoq.



Aammalu ukiuni kingullerni aningaasaq selskabillu iliuuseqarnissamut qitiuvallaarsimasut, aningaasartuutikillisaanissaq nunaqarfinnilu inuuniarnerup pitsanngorsarnissaa annertunerusumik qitiutinneqarsimanani.

Nunatsinni nunaqarfippassuit periarfissinneqarlutik aammalu innuttaasut suleqatigiinneratigut ilaatigut ilai alloriarnerusarsimagaluarput, kisiannili selskabit kisimik qanoq iliuuseqarnissaat ukiuni amerlavallaani kisimi isumalluutaavallaarsimavoq, qujanartumillu ukiuni kingullerni annertunerujartuinnartumik nunaqarfiit periarfissarisinnaasai sukumiinerusumik iliuuseqarfiginiarnissai eqqartugaaqqilersimavoq.

Selskabersuit kisimik isumalluutaanerannut aamma nunaqarfeqarpoq pilliutaasarsimasunik ilaatigut inuiaqatigiit 100 %-imik pigisaannik allaat sumiginnaaneq annertoq ingerlanneqartarsimalluni, assersuumillu taasqaassugutta Upernavik-up eqqaa asersuutissaqqippoq.

Tunitsiveqarnikkut ilai piorsarneqaraluarlutik iluanaarutigerujussuarniaannarneri ilaatigut toqqamaviuvallaaqaq, tunisiniartarneq amerlasuutigut ajornarpallaaqaq talittarfeqarnikkut aammalu tunisassiorfiit tigusiniartarneri amerlasuutigut ajornarpallaaqaq, tamakkulu inerisarneqarsimannginnerat pissutaalluni suli ullorpassuit tunisiniartoqartarnera nalinginnaasuvoq aalisartut nungusaataangitsumik uffa aalisarnissaraluanik tamanna innarliisarluni. Ilaatigut maanna pissu-tsit ima ilungersunartigippat tunisisoqaraangat tuniseqqinnissaminut piffissamik inniminneereeraluarunilluunniit aalisartut kalerrinneqartarput aatsaat sapaatit akunneri marluk imaluunniit pingasut qaangiuppata aatsaat tunisiseqqissinnaasut. Pissutsit taamaattut aaqqinniarneqartariaqarput piartumik.

Aalisartut aasaanerani silap taarsissaarnerani aalisarlutik aningaasarsiornissaraluanik taamatut aporfeqarpallaarnerat akuersarneqarsinnaanngilluinnarpoq, aningaasarsiornissaraluaninnik annaasaqaannartanngillat aamma nunatta karsia avammullu niuernerunissaraluatsinnik tamakku tamaasa annaasaqarfigisarpagut.

Qerinasuartitsiviit naleqqussaaffigeqqinnerisigut ullutsinnut naleqqussaaqqinnissamut qulaajagassa taamaammatt siunnersuuteqartup siunnersuutaanut ilanngullugit misissorneqarnissaat tamakku soqutiginaateqaannaratik pisariaqarluinnartutut Partii Naleqqamiik isigaarput.

Aasaagaluartoq qerititsiviit ulikkaajaartarnerinut tunisisinnaajunnaartarnermillu kinguneqartitsisartut ilagilersimavaat umiarsuit pajuttaateeqqat nunaqarfinnut tikittarnerisa akuttorneqarsimanerat, tamakku ilanngullugit nalilersuiffigilluarnissaat taamaattumik pisariaqarluinnarpoq.

Ukiukkut toqqorsiviit ulikkaarneri pajuttaateeqqat tikissaarneri peqqutaallutik qaammaterpassuit aalisartut tunitsivissaaruttarnerat, sulisullu suliunnaarsinneqartarnerat annertuumik nunaqarfimmut sunnuteqartarput, taamaammatt ajornartorsiutit tamakku qaangerniarnissaanut qanoq iliuuseqarnissamik qulaajaanissamut siunnersuuteqartup siunnersuutaata ilaatigut qulaajartussaavai aammalu taakkunanga ilanngullugu qulaajartariaqarluinnartut ilagaat qerititsivimmiitinnarnagit sumiiffimmi suliareqqittarsinnaanerisa periarfissarsiornissaat, nalunngilarpummi aalisakkanik panertunik qullukkanillu sineriatinni pisiniarfinni amigaateqartuaannartut, ilumoorsinnaanngilarmi pisiniarfinni akisuallaamik nunanit allanit eqqussukat soorlu Island-iminngaaniit kisimi ilaatigut pa-



nertunik pisiassaqartarsinnaassasugut, nunarput tamakkuninnga pisuussutunik ulikkaaraluartoq avammut niuerneq kisimi qitiunera aallaaviuvallaarnerujussua peqqutaalluni.

Nunatta iluani nammineq sumiiffinni tunissasiaqarsinnaaneq aamma pikkoriffiginerusariaqarpoq aqcutissiuunniarnissaa, assartuinikkut akissaajaqqaanngikkaluarluta pisiniarfinnut anngunneqarsinnaasunik.

Selskabersuit kisiisa aningaasarsiornissartik qitiutillugu nunaqarfiit ilai aamma pilliutigisarsimaavaat, assersuutitut taaneqarsinnaavoq avannaani Upernaviup eqqaani Kangersuatsiaq. Avatangiisaa pisuussutunik ulikkaartoq. Kusanarnerpaanik panertiterneqartartunik saarulleqarfilik, upernaakkut nipisaat suaat atorluarneqanngitsut, eqqaa qaleralippassualik tunitsiviat pilliutigineqarsimasoq. Kangersuartsiarmit selskabimik nunatsinni 100 % -imik Namminersorlutik oqartussaniik pigineqartumik pilliutigineqartut ilagaat. Kangersuatsiaq-p eqqaa pisuussutunik ulikkaartoq aporfieqqat peqqutaallutik inerisaqqinneqarani namminersortumut tunineqarsimavoq qaleralinnik 2025-ip tungaanut tunitsivigineqqittussaajunnaarlugu piumasaqaatitalerlugu pisisumut. Taamatut piumasaqaateqartoqarsimanera akuersaarneqarsinnaanngilluinnartoq piffissaq sukkanerpaaq atorlugu atorrunnaarsinneqartariaqarpoq, tamannalu Partii Naleqqamiit sakkortuumik aaqqiisoqarnissaa manna iluatillugu piumasaqaatigeqqipparput. Ilumoorsinnaangilarmi nunaqarfimmiut piumassuseqarlutik nilliaateqartut aaqqiissuteqartoqarnissaanik naalakkersuinikkut taamatut inissisimanerat isiginngitsuusaarneqarsinnaanngimmat. Naalakesuisuninngaaniit neriorsutigineqartariaqarpoq tamatuma piaarnerpaamik aaqqinniarnegarnissaanik oqariartuutaagiinnarani iliuuseqaatissamik.

Ukiorpassuannortuni nunaqarfinni inerisarneqarsinnaasut oqaluuserineqapallaannarneqartarsimapput aammalu selskabersuit kisimik isumalluutaavallaarsimapput, taamaamat iliuuseqarnissamat piffissangorpoq, taammaammalu Naalakkersuisut suliaqarlutik aallartitaqarsimanerminnik oqariartuteqarnerat Partii Naleqqamiit tusaatissatut tiguinnarnagu malinnaavigissavarput aammalu suliat ilaatigut utaqqeqqissinnaanngitsut suliarigasuarnissaat kaammattuutigaagut naammassigasuarneqarnissaanik.

Ajornatorsiutaasut ukiorpassuarni ilisimasaqarfigalugit eqqartorneqartuarsimapput aammalu suut pissutaasut ilisimaneqarput, toqqorsiviit taakkulu ulikkaartarneri, qerinasuartitsiviit, assartuisarneq aammalu sulisoqartarneq eqqartugaajuarput, maannakkullu piffissanngorsorinarpoq iliuuseqarfiginiarnissai tamatumunngalu ilaatigut siunnersuummi taakkartukkat ilai innallagiaqarnerit imeqarnikkut aaqqiinissat ilanngullugit nalunaarusiornissaat qulaajaaffigalugit Inatsisartunut tunniuteqquneqarput suliniaqqinnermi toqqammaviulluurtussat.

Nunaqarfinni tunitsiveqarnikkut aaqqiiniarnissap tungaanut umiarsualiisarnikkut aaqqiisinaanerit kaammattuutigaagut ilaatigut Kangersuatsiaq taamatut aaqqiivigineqarsinnaasut ilagaat aammalu nunaqarfiit allat pisariaqartitsisut ilanngullugit. Tamannalu susassaqtartut suleqatigalugit aaqqiissuunissaa pingaaruteqarpoq upernaamut aalisaaqilernissaaq utaqqeqqaanngikkaluarlugu, qinnuteqaateqartoqarsimavoq aamma nunaqarfinnut suliniuteqarusuttunut tamakkuupput aamma suleqatigalugit inerisaqqinnissamat periarfissat ilaat.



partii naleraq

Nunaqarfinni qerititsivinnik sanaartornissamik annertusaanissamullu tapiisarnermi periutsit pis-sutillu pitsaanerpaat anguniarlugit qanoq aaqqiivigineqarsinnaanerat pillugit Inatsisartut Naalak-kersuisut nassuiaasioqqullugit peqquneqarnissaanik aalajangiiffigisassatut siunnersuut tamakkiisumik tapersorsorlutigu ilassutigullu ilanngullugit ataatsimiititaliami suliarineqarnissaat innersuussutigaarput.